


ნახ. ჯ. მთლუბანი

ეროვნული  
ბიბლიოთეკა



— მადრიცა, უზრომელი უემოსავალი ჩემი კარის  
ჯღუბოს ვერ გადმოაბიჯებსო, ჰოდა, ფანჯრიდან შეაქვს.

# საქართველო

№ 17 სექტემბერი  
1986 წ.

— აბა, არაა? კი! დამიჯერე, ქალო, ასე აჯობებს, კარგ კამპანიას გადავიხდით. სულ დარჩეულ და საჭირო ხალხს მოვიწვევთ, თან ბავშვის ნათლობასაც ჩავატარებთ და, რაც მთავარია, ნათვლასთან დაკავშირებით „შაბაშის“ სახით აკრეფილი და შემოსული ფული ხარჯებსაც გაგვისტუმრებს. მაგი კი არა და, უკვე ვიანგარიშე: ხარჯის გარდა, კი გვარიანი თანხაც დაგვრჩება! მტერ-მოყვარეს თვალს დავუყუენებთ! აბა! ასე ვიცი მე! ჰოდა, ასე! დატრიალდი ახლა შენებურად! დანარჩენი კი ჩემზე იყოს! — აღგზნებული ელაპარაკებოდა მეუღლეს საშურის რაიონის სოფელ მონასტრის მცხოვრები ბონდო გელაშვილი და თან მოსაპატიჟებელი სტუმრების სავარაუდო სიას ადგენდა.

— ეშმაკს არ სძინავს! ახლა მთელი სოფლის ლოთიფოთები არ მორეკო აქ!

— შენს საქმეს მიხედვე, დედაკაცო! უყურე ამას შენ?! ჩემი საქმისა მე ვიცი!

ბონდო გელაშვილმა მართლაც იმარჯვა. რომ იტყვიან, სუფრას ჩიტის რძეც არ აკლდა, ნათლობაში მოპატიჟებულთა რიცხვი ასამდე აღწევდა. მასპინძლები წინასწარ ტკბებოდნენ „შაბაშის“ შედეგით!..

მასპინძლის მიერ წინასწარ შერჩეულმა თამადამ თავისი ადგილი დაიკავა. შემდეგ ფეხზე წამოდგა, ტიკტორასავით წამოზრდილი მუსცელი მაგიდის კიდეზე ჩამოასვენა, ლიტრიანი ყანწი პირწმინდად გააპიბინა, წინასწარ დაზეპირებული სადღეგრძელო გონებაში ერთხელ კიდე გაიმეორა და საქმეს შეუდგა!..



**ფელატონი**

სერობა სულ რაღაც ნახევარი საათის დაწყებული იყო, რომ თამადის „წყალობით“ მოქეიფეთა ნაწილი უკვე „უფალმა მიიღო“, თამადას ყურადღებას არავინ არ აქცევდა, ვისაც როგორც სურდა, ისე იქცეოდა!..

გამოცდილმა თამადამ შეატყო, რომ სუფრის სადავეები ხელიდან გაქცა და უკანასკნელ ხერხს მიმართა — „შაბაში“ გამოაცხადა, მაგრამ ამან საქმეს ვერ უშველა, ხმაური კვლავ გრძელდებოდა. სამაგიეროდ ცოლ-ქმარი გელაშვილები, თუმცა არ იმჩნევდნენ, მაგრამ გაფაციცებით ადევნებდნენ თვალს „შაბაშის“ მსვლელობას. მასპინძლები, სინარბესთან ერთად, სინარულსაც ვეღარ მალავდნენ, როცა უყურებდნენ, თუ როგორ ივსებოდა სპეციალურად „შაბაშისათვის“ გამიზნული ხონჩა ათ და ოცდახუთმანეთიანებით, მაგრამ ეშმაკს არ ეძინა. რომ იტყვიან, ღვინით გალახულს ჯოხით გალახული ჯობიაო, სწორედ ასე დაემართა ბონდო გელაშვილის სტუმარს — საშურის სალოკომოტივო დეპოს ელმავლის მემანქანის თანაშემწეს გაიოზლომიძეს.

თამადას აუხირდა, აქაოდა, სასმელებს ბოლომდე არ ცლიო. როცა თამადასთან ვერაფერი გაუვიდა, მეზობლად მჯდომი თამაზ შერგელაშვილი ამოიჩემა, არც სტუმარ ქალებს მოერიდა და ბილწსიტყვაობის კორიანტელი დააყენა.

„ბრიყვი მიუშვი ნებასა, თვით შეეყრება სნებასაო“, — გაიფიქრა შერგელაშვილმა, სუფრა დატოვა და შინისაკენ გაუდგა გზას.

— ამას რას ვნედავ, ხალხო?! სუფრა შეგვიგინა, თამადისაგან ნებასრთვაც არ აუღია, სუფრა ისე მიატო-



ვა! — შეიცხადა გაიოზლომიძემ, მაგიდის წამოიშორდა, სუფრას ორბივით გადაეწო და სოფლის ორღობეში სახლისაკენ მიწავალთამაზ შერგელაშვილს გამოენთო, დაეწია კიდეც, მძლავრად მოქნული მუშტი სახეში სთხლიშა და ძირს დასცა!..


ბონდო გელაშვილის სერობაზე შეკრებილი სტუმრები ჩხუბსა და ყვირილზე გარეთ გამოეფინნენ. ნათქვამია, გამშველებელს მეტი მოხვდაო, და ასეც მოხდა.

გამძვინვარებული გაიოზი კვლავ შერგელაშვილისაკენ იწევდა საცემრად. ამის საშუალება რომ არ მისცეს, ახლა სტუმრებს დაერია, ნათელა ლურსმანაშვილი ხელის კვრით ღობეს მიანარცხა, ყავარჯნებს დაყრდნობილი ოთარ ლომიძე ძირს დასცა, მის ფეხმძიმე მეუღლეს დარეჯან ლომიძეს, რომელიც წაქცეულ ქმარს მიეშველა, წიხლი ამოარტყა, ასევე ხელით შეეხო ნ. ღონდაძესა და მ. ბლიაძეს!..

— ყოველი ლოთი ამქვეყნად მოღალატეა თავისა! — ხმაშაღლა იმეორებს ახლა გაიოზლომიძე ვაჟაფშაველას სიტყვებს, მაგრამ უკვე გვიანაა თითზე კბენანი. სამართალმა მის მიმართ უკვე თქვა თავისი საბოლოო სიტყვა. რაც შეეხება ბონდო გელაშვილს, თუ რამდენი მანეთი დარჩა მას ღრეობისა და „შაბაშის“ შემდეგ, ჩვენთვის გაურკვეველია.

**ზაალ მესხინიანი,**  
საქართველოს სსრ იუსტიციის  
სამინისტროს უფროსი კონსულ-  
ტანტი.





**სასტუმრო „თბილისი“.** სოხუმში შავი ზღვის სანაპიროზე რომ მდებარეობს, ვახუშტის საკურორტო სეზონის ეამს, 24 ივნისს, როგორც ყოველთვის, სტუმრებით იყო გატენილი. ამ საკმაოდ მაღალი შენობის წინ ასევე საკმაოდ განიერი მოედანია. მოედანი ისე დაუხაზავთ, თითქოს წინასწარ მიუჩენიათ ადგილები იმ მანქანებისათვის, რომელნიც უმთავრესად გვიან, ნაშუაღამევს მიადგებიან ხოლმე სასტუმროს თავიანთი მგზავრებითურთ...

გამონაკლისი არც ის საღამო იყო. წავთვლიმე და უცებ ატყდა ერთი გუგუნულმილი: ხალხით დატვირთული რამდენიმე ავტობუსი სულ ცოტა ათიოდე წუთს მაინც მოუწდა არჩეული ადგილების დაკავებას. ამის შემდეგ მანქანებიდან მგზავრები ჩამოლაგდნენ. რასაკვირველია, ერთმანეთს რაღაც ვადასძახ-ვადმოსძახეს, ცოტა ხანს იყაყანეს და ჩაწყნარდნენ. ეტყობა, სასტუმროს წინასწარ დაჯავშნულ თუ დაკავებულ ნომრებს მიაშურეს...

საერთოდ, სასტუმროსწინა მოედანი ხმაურიანია და, მართალი გითხრათ, სიწყნარის დამყარებას ასე ადრე არ ველოდი. ამ ამბით გახარებულმა ზეწარი თავზე წავიხურე და თვალები ისევ საგულდაგულოდ დავხუჭე. კარგა ხანს მაინც ვერ მივიტი ძილს თავი, ბოლოს კი ჩამთვლიმა და — „ნახ ჰაუზ! ნახ ჰაუზ!“ — ჩამესმა მძინარეს.

ძილი მაშინვე გამიკრთა და ისევ იგივე ძახილი გავიგონე. წამოვხტი, საცვლების ამარა აივანზე გავეარდი. გაჩირაღდებული მოედნის შუაგულში შეზარბოშებული მამაკაცების ჯგუფი ირეოდა.

გასაკვირი: და უცნაური არაფერი მომხდარა: ხომ გინახავთ მთვრალი ჩვენი თანამომემეო, ზოგი რომ საკოცნელად ეტანება ახალგაყნობილ თუ ძველ მეგობარს, ზოგმა თვითონაც რომ არ იცის, რა უნდა, უბრალოდ გაიძახის ამოჩემებულ სიტყვებს (ერთი მათგანი სწორედ ამ სიტყვებს გაიძახნდა წამდაუწუმ რატომღაც: „ნახ ჰაუზ! ნახ ჰაუზ!“) ზოგნი სიმღერის იმტაზე იყვნენ და ხარივით ზმუოდნენ.

დავინახე, რომ ჩემს მეზობელ ნომრებში მცხოვრები სტუმრებიც თითქმის დედიშობილა გამოცვივდნენ აივანზე და ერთხანს „ტკბებოდნენ“ მთვრალების ხორბოცით.

— ნუთუ წესრიგის დამცველები არ არიან, რომ ამ უმსგავსოებას, ბოლო მოუღოს? — იკითხა ერთმა ჩვენმა მეზობელმა.

— დღეს კი იყო აქ ორი მილიციელი, მაგრამ ახლა არ ჩანან! — მიუგო ვიღაცამ.

ღიახ, თითქმის მთელი დღე მოედანზე ორი მილიციელი ტრიალებდა, საღამოს კი...


— ალბათ დაიღალნენ. ისინიც ხალხია, ბატონო! — ჩემთვის ჩავილაპარაკე და მაშინვე ოთახში შევიძურწე.

მოედანზე მთვრალთა ხმაურ-ღრიალი კი თითქმის სამ საათამდე გრძელდებოდა და, ცხადია, სასტუმროს ბინადრებმა თეთრად გავათენეთ ის ღამე.

მართალი მოგახსენოთ, ჩვენ არ გვქონდა ზუსტი მონაცემები იმისა, თუ რომელმა დებოშიორმა სად იქეიფა ან ნაქეიფარი მაინცდამაინც რესტორან თუ სასტუმრო „თბილისის“ წინ მდებარე მოედანზე რომ მობრძანდა, მაგრამ ფაქტი ის გახლავთ, რომ მე და ალბათ სხვებსაც, ვინც მეორე საღამოს თერთმეტ საათზე მივუსხედით ტელევიზორებს ფეხბურთში მსოფლიო ჩემპიონატის ნახევარფინალური მატჩის საყურებლად, თავის ტკივილი კარგა ხანს არ გაგვენლებია..

ნ. ჯღვისპირაძე

ნახ. ზ. ლეჟავასი



# გამოსათხოვარი

შენ ყველასგან განსხვავებული და გამორჩეული იყავი — კეთილშობილი, უბრალო, თავმდაბალი, სათნო, უაღრესად მეგობრული, მოყვასი და გამგებანი! შენი გამოჩენა ამხანაგებში, მეგობრებში, უბრალო ნაცნობების წრეშიც კი დიდი ზეიმი იყო!

და დღეს უკანასკნელად გემშვიდობებთ! აწ ველარასოდეს ველარ მოვისმენთ შენს ტკბილ საუბარს, ველარ გიხილავთ მხიარულსა და ლალ ჭაბუქს, ველარასოდეს გნახავთ ჩვენს გვერდით! მშვიდობით, ჩვენო ძმაო და მეგობარო! — შენ ხომ დავაწინაურეს?!

ვანო ცინცაძე

— ორიანი მიიღო?  
— აბა, რა იქნება, რახანია იქით არაფერი მივიტანია და ხუთიანს მუქთად ვინ გამოვატანდა?!

# «საბუნს»

## სარეკლამო ბიუროსი



— სალამი უფროსო! შენს ადგილზე მე დამნიშნეს!

### ჩემს ქუჩაზეც იქნება დღესასწაული

მე იმ ქალაქში ვცხოვრობ, სადაც ყველგან და ყველაფერში წარმატებებს აღწევენ. ამიტომ სადღესასწაულო განწყობილება არამარტო საყოველთაოდ მიღებული დღესასწაულების დროს, არამედ მუდმივად, მთელ ქალაქში, მის ყველა უბანში და, თქვენ წარმოიდგინეთ, ქუჩაშიც კი!

ხალხი ერთსულოვნად იტაცებს ახალს, პროგრესულს და სიხარულით ნერგავს მას ცხოვრებაში. ასე დაწესდა ქუჩის დღესასწაულები.

ამას წინათ ერთი ქუჩის დღესასწაულს დავესწარი. დილაადრიან ხმაურმა გამოაღვიძა ქუჩის ბინადარნი. ქუჩაში გამოიშალნენ კაცები, ქალები, ბავშვები... ისინი თავზიანად ესალმებოდნენ ერთმანეთს, მოიკითხავდნენ. გაღიმებული და მხიარული სახეები ერთმანეთს ენაცვლებოდნენ. თუმცა ხანგრძლივი ტკბილი საუბრის დრო არ იყო, მაგრამ ყველას აღტაცება ეტყობოდა, ყველა ჩქარობდა. ახმაურდა და გამოცოცხლდა ქუჩა. მალე ყურისწამლები ხმაურიც ატყდა. ქუჩაში გამოსული ხალხის ნაკადი არ წყდებოდა. გამოდიოდნენ და გამოდიოდნენ სადარბაზოებიდან, შესასვლელებიდან, ეზოებიდან!.. შეგნატროდი მათ ერთსულოვნებას!..

საერთო სიხარულში მარტო მე ვჩანდი გამონაკლისი: ვიდექი ჩემთვის კუთხეში და ვნატრობდი: „როდის იქნება ჩემს ქუჩაზეც დღესასწაული?“

განარებული და ახმაურებული ქუჩის მცხოვრებლების ალყაში მოქცეული ნავის მანქანა კი ივსებოდა და ივსებოდა ნავით!..

ლ. სულავა

თბილისის საქალაქო საბჭოს აღმასკომის საბინაო მეურნეობის სამმართველომ 1985 წელს დიდი ტირაჟით გამოსცა მეტად ორიგინალური გარეგნობის ბროშურა „მოგინადრის ცნობარი“. აღნიშნული პუბლიკაცია გამოირჩევა უნიკალური პოლიგრაფიული ღირსებებით, ყოველი ცალკეული ეგზემპლარი ფორმით ხან რომბია, ხან — ტრაპეცია, ხან — წაკვეთილი პირამიდა, ხან — პარალელები. წყალწყალა ბროშურებისაგან განსხვავებით აქ წყალი კი არა, ჰაერიც გამოდევნილია მჭიდროდ ნაბეჭდი გვერდებიდან, მეტად გაბედულადაა ჩამოკვეთილი არეები და შეკვეცილია ტექსტიც: „...ვერაიონი“ რომ ქვერაიონად უნდა ამოიკითხო, ამას როგორ არ მიხვდება კაცი და, აბა, რა საჭიროა სიტყვების ნამეტნავად გავრცობა. ეს და სხვა რეზუსები ტექსტს საინტერესოს ხდის.

ზემოაღნიშნულ ღირსებებთან ერთად „ცნობარი“ ისე გემრიელადაა ჩახაჭაპურებული ორთოგრაფიულ-პუნქტუაციურ-სტილისტური შეცდომებით, რომ პირდაპირ გიკვირს ტექსტის ასეთი სილაღე, რაც კარგად ესადაგება მრავალრიცხოვანი მკითხველის გემოვნებას.

„ — „

ვაჟისუბნის დახახლების № 17 და № 18 კორპუსების მცხოვრებლები ყოველგვარი გულდაწყვეტის გარეშე ცვლიან ორივე კორპუსს თავისი კეთილმოწყობილი გარემოთი: ჩაბინძურებული წყლით სავსე თბრილით, სანებიდსადგურის კომუნალური განყოფილების ტელეფონით, დაზიანებული კანალიზაციის მიღებით, რომლებიც „არ უნდა ჩაელაგებინათ იმ ფუნაში“, მაგრამ მაინც ჩაალაგეს, სავსე სანაგვე არხებითა და გულარხინა სახლმმართველობით — ორ ტოლფას კორპუსზე ქალაქის ნებისმიერ რაიონში იმავე კეთილმოწყობით, ოღონდ სხვა ტელეფონითა და სახლმმართველობით.

„ — „

ქალაქ ბათუმში, კალიაევის შესახვევის № 4 სახლის მცხოვრებლები თავიანთ მშობლიურ კორპუსს უსახიდლოდ სთავაზობენ ფილმ „კაცია-ადამიანის“ გადაღებ ჭგუფს, რადგან მიაჩნიათ, რომ მათი ბინა, მიმდებარე ტერიტორიით ძალიან წაავსეს ლუარსაბ თათქარიძის სახლ-კარს.

„ — „

თბილისში, გლდანის რაიონში, ლიბანის ქუჩის მე-6 კორპუსის ბინადარნი მშენებელთა საყურადღებოდ იუწყებიან, რომ მათი ბინა აშენებულია „მცოცავ ნიადაგზე“ და მიუხედავად იმისა, რომ დიდი ხანია შესახლებულია, მისი მიმდებარე ტერიტორია კვლავაც განაგრძობს ცოცვას, ახლოს არ იკარებს ასფალტს, ბოლო ხანებში კი ტალახთან ერთად მოცოცავს ნაგავიც და სამშენებლო ნარჩენებიც.

განცხადებას თან ურთავენ კითხვას — ხომ არ არის სახლი აშენებული მცოცავი გრაფიკით?

სარეკლამო ბიუროს აგენტი არდანილო არდაშენია



— მამამისს რატომ მიულოცე დამთავრება?  
— შვილზე უფრო სწირად ეგ დადიოდა სკოლაში

იყო ერთი ბიუროკრატი. როგორც არც ისე იშვიათად ხდება, ამ ბიუროკრატს მაღალი პოსტი ეკავა. ჰქონდა დიდი კაბინეტი, საკმაოდ დიდი ხელფასი და დიდი უფლება-მოვალეობანი.

უფლებებს იყენებდა ყველგან და ყოველთვის, მოვალეობა კი ყოველთვის არ ახსოვდა!..

გადაშლილ საქალაქურ საათობით უყურებდა. დროდარო ფერადი ტელევიზორით ერთობოდა. როცა ჩათვლემდა, მოკლემეტრაჟიან ფერად სიზმრებს ხედავდა!..

ერთი შეხედვით მისი ცხოვრება თითქოს უზრუნველად მიდიოდა, მაგრამ — არა! იგი დღეღამად ზრუნავდა... სკამზე! დიახ, სკამის დაკარგვისა ძალიან ეშინოდა და არც ისე უსაფუძვლოდ, რადგან ზევით მის მფარველ ბიძას წყალი ჰქონდა შეყენებული!..

თვითონ ღრმად იყო დარწმუნებული, რომ სკამი მაგრად ეკავა. სხვები კი, და მათ შორის თანამშრომლები, სხვა აზრისა იყვნენ, ფიქრობდნენ, რომ ის სკამს ეკავა.

ხუთი ტელეფონი ედგა. მეხუთე ტელეფონით მდივანი აღვიძებდა და აგებინებდა, ვინ რეკავდა და რომელი ტელეფონით.

პირადი დიპლომი მიუთითებდა, რომ მიცემული ჰქონდა უმაღლესი განათლება. მაგრამ რაც მისცეს, მიიღო თუ არა, ამის შესახებ დიპლომში არაფერი იყო ნათქვამი.

ყველას უკვირდა, რომ ერთ ადამიანში ასე კარგად იყო შერწყმული, ერთი მხრივ, დიდი თანამდებობის პირი და, მეორე მხრივ, უპირო კაცი. ისე, პირიც ჰქონდა და მადაც.

დაბადებით ბეცი იყო. ვერ ამჩნევდა ზღვარს პირადსა და სახელმწიფო საკუთრებას შორის. ალბათ ამის გამო ყველაფერს თავისად თვლიდა. ზოგჯერ არც თვლიდა, ისე... დაუთვლელად მიჰქონდა!..

## ზრახველი ბიუროკრატი

საქმეს შორიდან ელოლიავებოდა. თითქოს დასამთავრებლად ვერ იმეტებდა და დიდი სიამოვნებით აჟიანურებდა. ყველაფერს აკეთებდა იმისათვის, რომ... არაფერი ეკეთებინა!..

სულიც ჰქონდა და გულიც, თუმც ბევრი რატომღაც უსულგულო ადამიანად თვლიდა!..

საკუთარი აზრი არ გააჩნდა. მიუხედავად ამისა, აზრად არასდროს მოსვლია, ხელქვეითთა აზრები გაეზიარებინა. ასეთი რამ უაზრობად მიაჩნდა!..

ძალიან უყვარდა ზარზე ხელის დაჭერით მდივნის გამოძახება, „ბორჯომი“, ლიმონიანი ჩაი და საკუთარ თავზე ლაპარაკი!..



მაგრამ ყველაზე უფრო უყვარდა მეზეულიეობა, ანუ საქმის ხვალისთვის გადადება, ამიტომ მოხოვნელებს სწირად ეუბნებოდა, ხვალ შემოიარეთო!

ასე გრძელდებოდა წლობით და გეგონებოდა, ამას დასასრული არ ექნებო, მაგრამ ერთხელ...

დიახ, ერთ მშვენიერ დღეს ვილაც სათვალისანი კაცი შევიდა კაბინეტში უნებართვოდ, უფრო სწორად, იკითხა, თუ შეიძლებაო, და პასუხს არ დაელოდა, ისე შევიდა!..

ბიუროკრატი შეცბა. ნერვულად წამოდგა, საქალაქედ დახურა, მაგიდის კიდეზე დალო და მისთვის ჩვეული ხმით თქვა:

— დღეს ღრო არ მაქვს, ხვალ მოგიხდებით მოსვლა!..

კაცმა სათვალე შეისწორა, ვითომ არაფერი გაუგონიო, და მაგიდასთან ახლო დაჯდა.

ბიუროკრატი ცეცხლივით აენტო. ჯერ უნდოდა დაეყვირა, მერე კაბინეტიდან გასვლა დააპირა, მაგრამ ვერც ერთი მოახერხა და ვერც მეორე.

სტუმარმა მასპინძელს თვალი . თვალში გაუყარა:

— დიდ ბოდიშს ვიხდი, — დაიწყო დინჯალ მან, — მაგრამ ჩემგან დამოუკიდებელი მიზეზის გამო მაგ წინადადების მიღება არ შემიძლია, რადგან ნაბრძანები მაქვს თქვენგან თანამდებობა ჩავიბარო დღეს და არა ხვალ!..


ანთებული ბიუროკრატი ჩაქრა. მუხლებში სისუსტე იგრძნო და დაჯდა, მაგრამ ამჯერად... სხვის სკამზე!..

ელახა, მელახა,  
ტიქა შევიდა უელახა.  
ვინც ასეთ გზაზე დადგება,  
ახე მოუვა ყველახა!

გიგლა ბახტაძე



- სიპილიძე რომელიც არც ერთ ხალხს არ აკლავ დედამიწაზე — თურია.
- იაშვილი ამოქმედდა თვის გონების შექანიზმს.
- გახსნილსტრავაში ბავშვთა სოციალური არაფრად ღირს, თუ იგი ბრძნული არ არის.
- ანტონოვი სწორი პრიორიტატი სივრცის მიმართ, აზრებს მას შემდეგ.
- ხმელმკობრად სანთოვლი ქვერეის გულ წაეჭახ ავეჯი გაყვრილი ითაბეს; ამ ყველაფერს წა-



ანეგდითი რადაც — ძველი პატრონისავე დღეავე უნდა.  
 ● იმ შემთხვევაში არ უნდა ეწოდეს კვი სანთოვი, სივრცედაც; რადა უნდა არა აქვს და რადა უნდა აქვს.  
 ● არასივრცე უთხრა სიმართლა მას, ვინც ამის ღირსი არაა.  
 ● ტაშისავე ცუდ უბრალოდ და დახარჯა; მერე ვინ იცის, მართლა ხად გამოეცდეს!  
 ● შიშველითაც გულწრფელად და აღიარე შეცოტებები — ეს სიფხობის დღეავე უნდა უფროს და სახელებს მიუყვას, ახალი შეცოტებები მიანიღონ!  
 ● რა მათ გე დივირები მათაზე აღიარე, ღმერთმა ნუ ქნას, შეგობარა შემოგვადე!



საქართველოს ხუთი სანთოვიანი ფილოსოფიური იდეა აღიანიდა, უმარად რომ დღეებშიან კანდალიტორი გუნდისი იყო წყვილისი, დამონებულნი იმ სანთოვი მეორე საფეხედაფერი იყიდება და ახარ რჩება ადგილი სანთოვიანობის და ბუნებრივბუნათვის, სადაც მხოლოდ სივრცელი მოჩანს მონიზიდან თავის დახსნის ერთადერთი იმედად.

### I

**სივრცელის** ვარაუდებზე აღიანიდა კეთილი ფერია გამოცხადდა ზარდახში ხუთი და უთხრა:

— აი, ჩემი სანთოვები ერთი იოდე, სხეები დამიბოდე, თლოდ არჩევანი ბრძნული უნდა იყოს, რადგან ამ საჩუქრებიდან მხოლოდ ერთია ძვირფასი!

სულ ხუთი სანთოვი იყო: დიდება, სიყვარული, სიმდიდრე, განცხრომა და სიკეთელი ამ ყველაფერს მუთუთმულად წამოიძახა:

— აქ დასაფიქრებელი არაფერია! — და განცხრომა აირჩია.

აიღო და მისდა თავი ვრცელ ქვეყანას. ეძიებდა ტბობას, განცხრომას, რაი ან-ონიდან ახალაზრობის, მაგრამ აუცილე იყო მსგავსი წარსლის და, ერთმანეთს მიყოლებით, ყველა უნივარის და წარსავალი აღმოჩნდა. ამიოებისგან გულგატეხილს აბუნად იდებდა ყოველი წრამავალი.

ბოლოს ეს აღმოჩნდა: — მთელი ეს წლები ცუდგარბლოდ დავგარბე კიდევ ერთხელ რომ მიმიცემოდა არჩევანის საშუალება, ბრძნულად დაწვევებულობას მივიღებდი!

### II

მამინ კვლავ მოვიდა ფერია და უთხრა: — თბის სანთოვებს დამჩნა. ერთხელაც აირჩიე, თლოდ გახსოვდეს, დრო წრამავალია, ძვირფასი კი მხოლოდ ერთი სანთოვიანია!

დიდი ფიქრის შემდეგ კაცმა სიყვარული აირჩია, თლოდ ვერ შეინდა ფერის თვალეში აბრწყინებული ცრემელი.

გვერდზე ბევრი წლის შემდეგ იგი დარიელ სახლში, კუბოთნის იფდა და საკუთარ თავს ეუბნებოდა:

— ერთმანეთის მიყვლებით წვიანდეს ისინი ჩემგან, ახლა ექვს კუბოში ვარ, ყველაზე ძვირფასი და უკანასკნელი ჩემი სიყვარული, დანაკარგი დანაკარგზე დამატყდა თავს, სოფელი საათი ბუნებრივბუნათვის, რაც შეუძახსიდა მუხანათის მაცურება სიყვარულმა, გადამხმდევიანა რიფები საათების მუხანათი.

მთელი სულთა და გულთ ვრცელი მას!

# ძნელი გზები

შესრულდა 150 წელი დიდი ამერიკელი მწერლის — მარკ ტვენის (საშუალო ლინკოლნი კლინტონის) დაბადების დღე. იგი ერთხანს ლინკოლნი მუშაობდა გემზე, რომელიც აიმა-დამა ქსელვად მდინარე მისისისპი, ადგა აქვის კარზე, ზოგადად წელის სიღრმის და უყვირდა „პაქ ტენის“ — ესე იგი, სიღრმე მისი ტენისა. წაშლანარჩი არ ბრუნოქსა კედელს წარსილდა მისი ლიტერატურული შესვლიანი.

დიანდა მისურის შეტების სოფელი ფლორიდამი, მაგრამ სიცოცხლის უმეტესი ნაწილ მისისიპის ნაპირზე,

ქალქე მანიალში გაატარა. თავდაპირველად მარკ ტვენისაც სწამდა „ამერიკული სამოხე“, მაგრამ მერე თანდათან გაღრმავდა მწერლის კონფლიქტი თვისი ხეობა ამერიკასთან. მის ნაწარმოებებს სულ უფრო მეტი სიმძაფრით აიხას ნაწარმოებებიც თვისი ხეობა, რომელსაც მხოლოდ მთვცა მხოლოდ წყნობა იფდა ცუდგარბლოდ, სიმდიდრის შექმნი ყვერცელი შუღლი ამერიკანებში, რომელთაც შეუძლით უზღავდებდა კანონებინათ თავიანთი სულიერი საშუარო, თლოდც მატერიალური სიკეთე მიეღო.

### III

— ერთხელაც აირჩიე! — უთხრა ფერია — წლებმა, ალბათ, შუკა გასწავლეს. სამი სანთოვება დამჩნა, მათაგან მხოლოდ ერთი ღირს რამედ. გახსოვდეს ეს და ფრთხილად აირჩიე!

დიდი ფიქრის შემდეგ კაცმა დიდება აირჩია და ფერია თხოვრი გახეივდა მისს.

გავიდა წლები. ერთხელ ფერია მოვიდა და სადამის ბედნიერდით აღფრთხილებით მედარეი კაცის ზურგს უკან დადგა. უკლის ფიქრით გასაგებია იგი მიიღო: — ჩემი სახელი მთელ ქვეყანას მივყო, ყველას ჩემი ქება ვგერა პირზე და წამით კი მშვიდობებდა მომეცევა, მაგრამ მე მოკლე აღმოჩნდა ეს მყისი იფე წარმოიჭრა მუბი, მერე — ახსიტყვაობა, შემდეგ — ცილისწინაბა, შემდეგ — სიბედობელი, ამას მოჰყვა დევნა, შემდეგ — ბორცობი დავიწვია და ეს იყო აღსანთოლის დასწავისი. ბოლოს გამიჩინდა სიბრძნული, სიბრძნული კი დიდების საფუძვლი, რა მწერად უმადურეთა განთქმული კაცის ხედავი — დიდების ზენტიტი გვეყვის ბინძური ცილისწინაბა, შუის ჩასვლისას — სიბრძნული და თანდრეისა.

### IV

— რა გაეწეობა, ერთხელაც აირჩიე! — გაიწერიალა ფერისი მამა, — ორი სანთოვება დამჩნა, მაგრამ გულის მე გაიტებს, თავიანთვე ხომ მხოლოდ ერთი იყო ძვირფასი, ის კი ჯერჯერობით ისევე აქ არის!

ეს სიმდიდრეა, რაც ძალაუფლებასაც ნიშნავს! — წარმოთქვა კაცმა. — რა ბრძანავდა ბოლოს მამინ შვიტის მიმართ ზემოცილებს. დავიწყებ წელის დატყვას, ჩემი ბრწყინვალეობით დავაჩვენებ ყველას, მამიყვი იმხედობა და ვისაც კუდილი. მისი ტალახის იმხედებულ ჩემს წინაშე და მე მათი შუიტი ვაგობობ მომიცებულ გულს. ჩემთვის ხელმისაწვდომი იქნება მთელი მსოფლიო გაწყვება, ყველა მისი სიხარული, ყველა სულიერი ფურცობა და სიბრძნული ტბობა. ყველაფერი, რაც ძვირფასია ადამიანისათვის, შევიძენე ვიყიდი ბატონიყვებას, ღირსებას, სიბრძნას, თავფინიფინას — სიციფლისი ყველა ამ მოჩვენებითი მომიბილობას, რასაც ეს შემოიბრავებს ყოფიერი ამიოების ბაზარი. მე წყვე-

ბი დავკარგე არასწორი არჩევანი. ეს ყველაფერი წარსულს ჩაბარე, მამინ გამოუდელი ვიყავი და ამიტომ ვირჩევი იმას, რაც ვარგულად უკეთესი მეჩვენებოდა! შეუმწმენლად გაირჩინა სამამ წლებმა და, აი, დღევადღე, როცა სიციფლისან აიხსენებულე კაცი უზადრეკ მანსარში იფდა ვაგობრებელი, დახმენილი და თვალბრწყინელი. ტანზე მომხები ეგვი, ხმელ ქერის თლოდნა და ბეტბეტობა:

— წყელი იყო ამ ქვეყნის ყველა საჩუქარი, რადგან ყოველი მათგანი აბუნად ადგება და მოიჭრეობელი სიყალბედა ეყოფილი მათგანი ცრეუ სახელს ატარებს. ისინი საჩუქრად კი არა, დროებითი სახმარად ქმლავს. კაცს სიყვარულიც, განცხრომაც, დიდებაც, სიმდიდრეც — მხოლოდ დროებითი სახმარელი სიციფლისი მარად არსებული ჭეშმარიტებისა — მწუხარების, ტკივილის, სიბრწყინლისა და სიბრძნობისა. მართალი მიიზნა ფერია: — ყველა საჩუქრად მხოლოდ ერთი იყო ნამდვილად ძვირფასი, მხოლოდ ის ერთი იყო ცარიელი და დასრულდაფერი. ახლა კი შევიცანი, რა უზადრეკი და არაობადა ყველა მისი დანარჩენი საჩუქარი მით უფრო ახლა და უფროდასტვის გვერდით, რომელიც მით უფრო მი მოქმედ და კეთილია, რომ შეუძლია სახმარელი ჩავდობის უსიხრობი ძილში, გვიხანას სხუელის მტანდევნილ ტკივილებთანავე, სიბრწყინლად და მწუხარებისაგან, სულს იმს გვიძიქნინა, იმ, მომიცით იგი, მე დავიბოლავ, დახვეუნება მუქაია!

### V

ფერია მოვიდა და კვლავ მოიტანა თბისი საჩუქარი, მაგრამ მათ შორის სიციფლი აღარ იყო.

— მე ის საჩუქარი კარგავა ბავშვის მივეცი, დიდის თვალსმინის, ის ჯერ ისე უბედური იყო, მაგრამ ეწლი ფერის არჩევნის, მენე კი არ დამიკარგე!

— ის, რა უბედური ვარი მამ, რადა ჩემი უბედრე?

— ის, რაც მენ არეუ დაგამისაზრებია — ფარსო შენდალავ სიციფლისა, რომლის სახელია სიბერე!

თარგმნა ელვაზა პირაპიშვილი

ილუსტრაციები ვ. ლოლუასი

# ძველ-ქსთოული წახუბიანი

● **ოფლითა** პირითა შენისათა ჭამდე პურსა შენსა!

● **უბრალოი** და მართალი არა მოჰკლა და არა განამართლო უღმრთოი ქრთამითა!

● **ქღვენან** და ქრთამმან დაუბრმნის თვალნი ბრძენთანი.

● **ნუ** ჰქრთამობ და შესწირავ, რამეთუ არა შეიწიროს!

● **ცხცლვან** და წვენეს სახლნი მოქრთამეთანი!

● **გველი** მზაკუვარი არს, ამისათვის დაესაჯა მას, რაითა ცურვიდეს მკრდითა თვისითა.

● **ნუ** ესავთ სიცრუესა და ტაცებად ნუ გული გიოქვამნი!

● **როველი** ტაცებასა მას თანა-შემწე და თანა-მზრახველ და ძალ-მიმცემელ იყვენ... განიდვენენ.

● **მბანგვალი** არა განძლა და არცა მოიქცა უმჯობესისა მოპოვნებად.

● **მონაგებთა** მათ, რომელთა მოიტაცებდა უმშჯავროდ კაცთაგან, ამით განიგებდა საქმეთა თვისთა ხელმწიფეთა თანა უფროსთა თვისთა.

● **ვაი** არს მისა, რომელი მოიტაცებს და შეჰკრებს სხვისა მონაგებთაგან, რამეთუ სატანჯველი განმზადებულ არს მისა.

● **არა** ავნო მოყვასსა შენსა და არცა მოსტაცო!

● **სიფიდრანი** იგი მისი ყოველი იყო მისვეჭითა.

● **იყო** სიქადულ მისა ტაცებაი, მოხვეჭაი და უსამართლოვებაი.

● **ფრიალისა** მტაცებლობისა და მოხვეჭისა ქმნითა შეკრიბა ვერცხლისა და ოქროისა სიმრავლე მიუწოდოელი.

● **არს** მგელთა ქორწილი და სიხარული, უკუეთუ მწყემსმან დაიძინოს. განრყვანი მათი უფროის ჭამისა არს. მომხვეჭელი ზომსა ვერ იწონის მოტაცებისასა. კვამლი მავნებელ არს სახედველთა და უმშჯავროებამან დაბრმნის ბრძენი.

● **და** შჯული ბრძანებს, რაითა ყოველთა მომხვეჭელთა ეუფლოს სიცოფე.

● **მდიდარი** იტანჯებოდა ამისათვის, რამეთუ იგი ხოლო მარტოი ჭამდა და სხვასა არავის უნაწილებდა მისგანსა, რომელსა-იგი ჭამდა; და რავდენ სხვათა არა სცემდა, ამისთვის იტანჯებოდა. აწ რავდენ უფროის იტანჯოს, რომელი ჭამს სხვათა მონახვეჭსა უსამართლოდ!

● **დედა** არს ყოველთა ვნებათა ცუდი დიდებაი.

● **პირუტყვიან** იცნის მომგებელი თვისი, ხოლო მთრვალმან არა იცნის მეზობელი თვისი.

● **აქვს** ენაი წვრთილი და განშიშვლებული ტყუვილისათვის.

● **ავლბოდე** ღვინისაგან, ვითარცა გველი-საგან!

● **შენ** გძულს მცირე გველი და შინაგან შენსა

დამკვიდრებულ არს დიდი ვეშაპი!

● **პითარცა** გარდასცთის კაცი ღვინითა, უფროის პირუტყვისა უგუნურ იქმნის.

● **ტყუილი** არა ხოლო ჭეშმარიტებისა, არამედ თვით თავისაცა თვისისა მბრძოლ არს.

● **ქაცი** ჰატივისა შინა იყო და არა გულისხმაყო, ჰბაძვიდა პირუტყვთა და მიემსგავსა მათ.

● **გული** თვალს აცლის, ქრთამი ორსავ სცვლის.

● **ვარცხლვა** ვინც სულსა გაჰყიდის, მით მოიყიდის რასაო?!

● **ვერ** შეჰსვრის მწვირე ნათელსა, სხივთა და მზისა მზობასა.

● **მანხსა** არვინ გაებმის, თუ არ სიხარბის მდომელი.

● **სვაპი** ძვალს ყლაპავს სიხარბით, რას არგებს გასაძლომელად?

● **ბორბის** სიხარბისაგან კაცს გაუცვდება დიდება, ვინცა მოითმენს, უთუოდ ღვთის კალთას მოეჭიდება.

● **გულაორობ** კაცსა ერიდე, ნუ გავლი მისა არესა!

● **კათილის** მოქმედს კეთილი წინა უც მოსაგებელად, ბოროტისათვის – ბოროტი, ცეცხლისა მოსადებელად.

● **ავის** მოქმედმან მოიგოს მისივე ნაქმარი ავები, ნაცვლად მიეცეს საჭიროდ თვისივე დანაშაუვები.

● **ავსა** ავი არ მიეგოს, მსჯავრი რითლა აიწონოს?

● **ავსა** იქმ და კარგი გინდა, ესე ვინმცა მოიგონა?!

● **გუალო**, ფასკუნჯის ადვილი საფრენად რისთვის გწადიან?

● **დიდი** ქვეყანა მოუწვავს ენასა მბებზრისასა.

● **ენისა** დანაკოდარი ხმლისაგან უარესია.

● **ნუ** იქმ ავსა, ავის მქნელსა წინა უძეს დიდი ავი!

● **მუსთალი** კაცი ვერ კაცობს, ეს სცანით გლახა, მდიდარმა!

● **ვინც** სხვასა მთხრებლსა უთხრიდეს, მან თავის ზომა მოთხაროს.

● **ღვარკლის** მთესველი ვერ მომკის იფქლსა ბასრითა ცელთითა.

● **ბოროტ** არს მეღვინეობაი და მაგინებელ არს სიმთრვალე.


● **იანის** შფოთი და გულის-წყრომაი გარდარეულთა საჭმელთა და სასუმელთაგან.

● **და** ჯერ-არს ჩვენდა, რაითა არა უძლებებით მივიღებდეთ საზრდელსა, არცა გარდავერინეთ სასმელსა.

● **საჭველვან** და სასუმელმან დაამდაბლიან კაცი და მიაწიან სახესა პირუტყვთასა.

● **ღვინოსა** ჯედა ნუ ჰმამაკაცობ, რამეთუ მრავალნი წარწყმიდნა ღვინომან!

შეკრიბა ალექსი ჭინჭარაულმა



უსიტყვოდ

დაკარგული სიყვარული  
(დატირება)

ქართული  
ლიტერატურა

შენ სულ სხვა ცეცხლოვანი იყავი. ამიტომ ვერასოდეს შევადარებ შენს სიყვარულს ცოლის სიყვარულს. ბევრი დამე გამიტარებია, ბევრი ტკბილი წუთი მიგემია შენთან. ბევრჯერ მახალისებდი და მათობი სისხლით სორცამდე. შენთან ერთად ქვეყანა ყოველთვის ჩემი მეგონა!..

ახლა?  
ვაგლას, დაგკარგე!..  
ულვთოდ წამართვეს შენი თავი, ჩემო საყვარელო, დაუვიწყარო, კარგა ზორბა საარაყე ქვაბო!..

ლია ოსიაშვილი



— ტექნიკურ კონტროლიორებს რომ ვუყუროთ, ჩვენ გეგმის შემსრულებლები ვართ?!  
9

# ტყუარს მიკრავს!!

მოსხენებას თვალი ჰკიდა.  
ფურცლა, ბღღვირი ადინა!  
ენას ვერცხლი დაეკიდა.  
მერე — ოქრო, პლატინა!..

გჭირს!.. არა, გთლის, როგორც სათაღს.  
შენ კი უნდა უღრიგო!  
სხვის ნიჭს წონის, თავად მართლა  
უნდელი და უნიჭო!..

გამოვიდა ალიბიდან.  
მაგრამ ველარ — როლიდან!  
გან-გან გასდო განივი და —  
აბა, ერთი, ორი და!..

ახსნა, კი არ მოხსნა გულა  
იმ უპირო პირითა, —  
ჩაუღრმავდა, ჩაუღრმავდა.  
აწრი ჩააქვირითა!..

შეგვაპარა ლოდი კენჭად.  
წყალთან ჩაალიკლიკა!  
სანახევროდ ლორი დეჭა,  
სანახევროდ — ლირიკა!..

მოიჭურდა, მიიჭურდა,  
ხელს არავინ არ ადებს!  
ლაპარაკით გადახურდა —  
სიწმინდეზე ქადაგებს!..

გაიმართა წელში საქმე,  
კითხვას თავი ანება!  
(ქებას ელის! თუ არ აქვ,  
იცის დანიავება!)

რას ვახდები კალმის მოხმით?!  
ვერ ვამშვილებ წვეულებს,  
უწიგუნური „კლასიკოსის“  
ნანვით გავოგნებულეხს!..

თუმც ბრალდებად ამ ლექსს ვუწვდი, —  
ვუმტვრევ განა ხერხემალს?  
ტაშს ის მიკრავს სხვაზე უწინ —  
ვითომ... მას არ ეხება!

ზაზა კაციაშვილი




— წაგიყვანო თუ გავიყოთ?

## „გაუფიქვას“

გუშინ რომ ძეხვი მომყიდე  
და გადამირჩი უშაროდ,  
სასწორს რომ ცერსაც აწონი,  
შენი ჯიბისთვის ვმუშაობ?!  
**ნაირა ლეუკაშვილი**

ნახ. დ. თორთიბაძისა



— წელს სად მიდიხარ დასასვენებ-  
ლად?  
— საგზური და ბალახი თუ ვიშოვე,  
საირმეში!

# კურსები უშვავდა

ბენია ბენდუქიძეს  
მოწრილი საწყობის გამ-  
გეობაზე ეჭირა თვალი,  
პროტექტორიც იშოვა და  
სარეკომენდაციო ბარათით  
ტრესტს მიაშურა.

— პოლიკარპოვიჩი მე-  
ლაპარაკა თქვენს შესახებ, —  
უთხრა მმართველმა ბენიას,  
როგორც კი ბარათი ჩაი-  
კითხა, — მიდით კადრების  
განყოფილებაში, გაგაფორ-  
მებენ!

— თქვენი განათლება? —  
ჰკითხა წრდილობისათვის  
კადრების ინსპექტორმა.

— საშუალო სკოლა და-  
ვამთავრე. — იყო პასუხი.

— ტექნიკუმი მაინც  
გქონდეს დამთავრებული!  
— არ მიცდია!

— კურსები თუ გავი-  
ვლია?


— კურსები? — ბენიას  
სახე გაუბრწყინდა. — კი  
ბატონო, ბევრჯერ.

— ჰოდა, შეე კაი კაცო,  
აგრე თქვი, რამდენჯერმე  
კურსების გავლა ერთი  
პატარა ტექნიკუმის დამთავ-  
რებას ქე უღრის. — დაამ-  
შვიდა ბენია კადრების მუ-  
შაკმა და თვითონაც შვე-  
ბით ამოისუნთქა.

ბენია ტყიბულელი იყო  
და ქუთაისში ხშირად და-  
დიოდა... სადღურ კურსების  
გავლით. აი, სად გამოადგა  
კურსები — კაცი დიდი საწყ-  
ობის გამგე გახდა!

ვაჟა სოსხიძე





— აშშ-ს პრეზიდენტმა მიხაილმა იმას, რომ კონგრესს მიეღო კანონპროექტი, რომელიც ასუსტებს კონტროლს ცენტრალური იარაღის გაყიდვაზე ქვეყნის შიგნით და საშუალებას იძლევა ივაკრონ ამ იარაღით აშშ-ს ნებისმიერ წევრში.

590  
16.1X 1986  
კავშირთა  
← კავშირთა

ნახ. ბ. ლომიძის  
ჟურნალი „კოკოლილი“

ქორმა  
წიფილა  
წაილო..

...ქორმა წიფილა წაილო. იძახდა „წიფ-წიფსა!“ აქტებს აქტებზე ადგენდნენ, ქორს აბრალებდნენ ზიანსა.. ფერმის ხვაფი და ბარაქა სახლში მიჰქონდა ძიანსა, მქონდათ ურიცხვი ქონება მას და მის რევიზიასა.. გამგეს იცნობდნენ, როგორც კაცს, უხვსა და დოვლათიანსა.. კომბინაციის დიდოსტატს, გაქნილ საქმოსანს, ფიანსა. მაგრამ ერთ დღესაც პირნათლად ვერ დახედნენ კომბინასა, — წამუსის ხალხი გწვია ნამუსგარეცხილ ძიანსა.. ფარდა ახადეს ბნელ საქმეს, ბინბურს და მოკლედლიანსა.. გამგის დაქერის ამბავი ველად გაჰქონდა წიფსა..

ნიკოლოზ იოსავიძე

# ზარილი მსხეთილან

ჩვენო იმედო, მშველელო,  
შეუპოვარო ნიანგო,  
ჩვენს გასაჭირზე სათქმელი  
გვინდა, რომ ლექსად გიამბოთ:  
ცხელი წყალი და გათბობა  
არა გვაქვს დიდი ხანია,  
ამის შესახებ წერილი  
საღლა არ გავგიგზავნია,  
პასუხებიც გვაქვს, დასტურიც,  
ბოილერებიც, საქვაბეც,  
ათი წელია იმედმა  
გავგაძლებინა აქამდე.  
ნუთუ რკინიგზის მუშაკებს  
არ გვთვლიან კაცთა სიაში,  
შენობა-ნაგებობათა  
ხაშურის დისტანციაში?  
შვიდი მილია საქირო,  
საქმე რომ მორჩეს ბოლომდი,  
ნიანგო, იქნებ უშველო  
ჩვენს ამდენი ხნის მოლოდინს!

ბარათი მიიღო  
ნანა ჯაჯანაშვილმა

საბირისა ზარილი  
ჟურნალი „ნიანგი“ № 17  
(1723). სექტემბერი. გამო-  
დის 1923 წლის ივნისიდან.

მთავარი რედაქტორის  
მოადგილე  
გეგან სინარულია

სარედაქციო კოლეგია:

ავთანდილ ადღიშვილი  
(პასუხისმგებელი მდივანი),  
ჭაბუა ამირეჯიბი, ნოზაძე  
ბარათია, ზაურ ბოლქვა-  
ძე (მთავარი რედაქტორი),  
ბორის გურგულია, რვე-  
აზ თვარაძე, ჭემალ ლოლუა,  
ნოდარ მაღაზონია (მხატ-  
ვარ-რედაქტორი), ალექსან-  
დრე სამსონია, ჯანსუღ  
ჩარკვიანი, თამაზ წიფვი-  
ძე, ნაფი ჯუსოიტი.

ტექნიკური რედაქტორი  
ირაკლი ღუნღუა

გალაყვა ასაწყობად  
4. 08. 86 წ. ხელმოწერი-  
ლია დასაბეჭდად 2. 09.  
86 წ. ქალაქის ზომა  
50 X 90/8. ფიზიკური ნაბე-  
ჭლი ფურცელი 1,5, სააღ-  
რიცხო-საგამომცემლო თა-  
ბახი 1,9, საქართველოს  
კვ ტვი-ის გამომცემლობა,  
ლენინის 14. შიგვ. 1847,  
ში 05150. ტირაჟი 143.000.  
ჟურნალი გამოდის თვეში  
ორჯერ. რედაქციაში შემო-  
სული მასალები ავტორებს  
არ უბრუნდებათ.

ჩვენი მისამართი: 380008.  
თბილისი-8, რუსთაველის  
პროსპექტი № 42.

ტელეფონები: მთავარი  
რედაქტორის — 99-55-54,  
მთ. რედ. მოადგილის —  
93-19-42, პ/მგ მდივნის —  
93-10-78, მხატვარ-რედაქ-  
ტორის — 99-02-38, გან-  
ყოფილებათა გამგეების —  
93-49-32, რედაქტორ-ლიტ-  
მუშაკების — 99-02-38,  
მდივან-მეგანქანის —  
99-76-69.

სატირიკო - იუმორისტиче-  
ский журнал «НИАН-  
ГИ» (На грузинском  
языке) Тбилиси, пр. Ру-  
ставели № 42. Издаватель-  
ство ЦК КП Грузии,  
типография издательства  
ЦК КП Грузии, Тбили-  
си, улица Ленина № 14.

ინდექსი 76137  
ფასი 20 კაპ.

7-86

86-590

ნახ. მ. აბაშიძისა

ქრონიკული  
ბიბლიოთეკა



საინტროდუქციო  
საგარეო ურთიერთობების  
სამსახური

დავით აღმაშენებელი  
და  
დავით აღმაშენებელი